

lisatione, nomine Boracis insignitur. Albus sit, crystallinus et leni calore fusilis.

Cacao. *Cacaobohnen.*

Theobroma Cacao. *Arbucula in America meridionali frequenter culta.*

Semina oleoso-farinacea, ex fusco nigricantia, seminibus Viciae Fabae similia.

Calcaria, vulgo **Calx.** *Kalkerde.*

Terra propria, acido carbonico juncta, quo amisso in aquae partibus quingentis solubilis fit. Cum Acido sulphurico gypsum constituit. Eligatur heterogeneis libera, qualem praebent Marmor album, Testae Ostrearum, etc.

Camphora. *Kampher.*

Laurus Champhora. *Arbor Indiae orientalis, praesertim in Japonia frequens.*

Champhora cruda constat massulis globulosis, flavis, subluteis et cinereis, quae destillatione ramulorum et foliorum cum aqua, a reliquis Lauri Camphorae partibus constitutivis separatae, statim sublimantur.

Camphora depurata, nova sublimatione Camphorae crudae parata, concrevit in massas magnas orbiculares, subtus concavas. Optima nivea est et glaciei instar subdiaphana. Super ignem liquata olei instar fluit et accensa deflagrat omnis. Odorem proprium fragantissimum spargit.

Canella alba. *Weisser Zimmet.*

Winterania Canella. *Arbor Indiae occidentalis, in Jamaica frequens.*

Cortex aromaticus, in superficie externa passim vel ex albo flavescens, vel virescens, vel ex fusco rubens, subtus autem albicans.

Cantharides. *Spanische Fliegen.*

Meloë vesicatorius s. *Lytta vesicatoria* Fabricii.

Insecta coleoptera oblonga, ex viridi splendentia, antennis nigris filiformibus, mense Junio et Julio, dum Fraxinum, Syringam et Ligustrum gregarie despiciunt, colligenda et leniter siccanda.

Cardamomum minus. *Kleine Cardamomen.*

Amomum Cardamomum. *Planta perennis palustris Indiae orientalis.*

Fructus triquetri, utrinque acuminati, longitudine semipollicari, pericarpio fragili ex luteo subfusco, et seminibus aromaticis nigricantibus, instructi.

Caricae s. *Ficus passae.* *Feigen.*

Ficus Carica. *Arbor Europae meridionalis et Orientis.*

Thalami incrassati succulenti, principio saccharino et mucilaginoso imbuti, semina includentes,

Cariophylli. *Gewürznelken.*

Cariophyllus aromaticus f. *Eugenia cariophyllata* Thunbergii. *Arbor Indiae orientalis, insulis Moluccis frequens.*

Colliguntur flores vix aperti, qui, claviculis forma similes, oleo aethereo turgent. Leniter siccati ex fusco nigricant, et non solum saporem acrem aromaticum, sed et odorem fragrantissimum fundunt.

Cassia cinnamomea. *Zimmet - Cassia.*

Laurus Cassia. *Lauri Cinnamomi forsans varietas?*

Cortex internus ramorum, odore et sapore aromatico ad Cinnamomum acutum quidem proxime accedens, sed colore intensiore, crassitie, et sapore acriore distinguendus.

Cassia Fistula *Rohr - Cassia.*

Cassia Fistula. *Arbor Arabiae et utriusque Indiae.*

Fructus siliquosi, nigricantes, cylindrici, subincurvati, fere toti pulpa dulci nigerrima, quae semina involvit, dissepimentis transversis distincta. Praestant siliquae longiores ex India orientali allatae, quarum pulpa, magis dulcis, tardius corrumpitur.

Castoreum. *Bibergeil.*

Castor Fiber.

Humor sebaceus, odoris nauseosi et saporis amaricantis, propriis in saccis, qui abdomini inter genitalia et anum adjacent, secretus. In saccis re-

centibus albus et spissus, in siccatibus fumo, quales plerumque occurrunt, fuscus.

Castoreum Sibiricum f. Russicum, cui etiam Polonicum, Borussicum et Germanicum annumeratur, in saccis majoribus, ovi gallinaei magnitudinem aequantibus, intertextum est membranulis tenuioribus. Omne Castoreum, ex aliis terrarum regionibus allatum, antecellit.

Castoreum Canadense, ex America septentrionali advectum, continetur saccis minoribus magisque nigris, tunicae cellulosae tenaciori interiacens.

Catechu, vulgo Terra Japonica. *Catechu.*

Mimosa Catechu. Arbor Bengalensis.

Extractum aquosum ligni Mimosae Catechu, ad siccitatem inspissatum. Color sit nigrescens, non nigerrimus, sapor adstringens.

Cera. *Wachs.*

Apis mellifica. Insectum hymenopterum.

Materia vegetabilis propriae indolis.

Cera flava. *Gelbes Wachs.* Cera cruda, ab apibus collecta, et a melle separata.

Cera alba. *Weisses Wachs.* Cera per aplicationem, sub frequente aquae adspersione, alba.

Cerasa acida. Saure Kirschen,

Prunus Cerasus; varietas, quae vernacula schwarze saure Kirsche audit. Arbor in hortis frequentissima.

Drupae nigrae, grata aciditate praeditae.

Cerasa nigra. Schwarze Kirschen, Vogelkirschen,

Prunus avium. Arbor Germaniae praesertim meridionalis.

Cerussa alba. Bleyweiß.

Plumbum carbonicum, paratum dum plumbum metallicum vapore aceti corroditur.

Cetaceum, vulgo Sperma Ceti. Wallrath.

Physeter Macrocephalus. Oceani incola.

Liquor unguinosus ventriculorum cerebri, qui, macerando lixivio kalino diluto, exprimendo et lavando, ab adipe oleosa separatus, in massam induratur albissimam, lamellosam, subpelludam, nitentem, et in spiritu vini calido solubilem.

Coccionella. Cochenille,

Coccus Cacti. Insectum hemipterum.

Insecta parva, advecta ex regno Mexicano, ubi Cactum cochenilliferam inhabitant; siccata granula referunt atro-purpurea, striis transversis rugosa et quasi pruina albido aspersa. Pulvis ex contritis refert colorem coccineum.

Colocinthis. *Coloquinthen.*

Cucumis Colocynthis. *Planta annua orientalis.*

Fructus pallidus, amarissimus, magnitudine et figura pomo similis, pulpa sicca repletus.

Colophonium. *Geigenharz.*

Pinus sylvestris. *Arbor Europae borealis frequentissima.*

Resina diaphana, quae super ignem liquata colorem ex succineo aurantiacum nanciscitur.

Conchae. *Austerschalen.*

Ostrea edulis. *Maris Germanici incola.*

Testa, ac omni sorde depuratae.

Cornu cervi. *Hirschhorn.*

Cervus Elaphus.

Cortex Augusturae. *Augusturarinde.*

Brucea ferruginea? l'Heritier; aut *Magnoliae species?*
Frutex Americae meridionalis, in Insula Trinidad frequens.

Cortex facie externa ex pallido albicans, facie interna autem ex luteo subfuscus, saporis aromatici acris et praesertim intense amari, atque odoris ingrati.

Cortices Aurantium. *Pomeranzenschalen.*

Citrus Aurantium. *Arbor in Europa meridionali et in Oriente frequens.*

Cortex fructus maturi, amaritie non ingrata gaudens.

Cortices Aurantium Curassaviensium.

Curassao Pomeranzenschalen.

Citrus Aurantium, var. *Curassaviensis*. *Arbor Indiae occidentalis et Americae meridionalis.*

Cortex fructus maturi, tenuitate et amaritie corticibus Aurantium Europaeorum praestans.

Cortex Caribaeus. Caraibische Rinde.

Cinchona Caribaea. *Arbor Indiae occidentalis et praesertim Jamaicae.*

Cortex subfuscus amaro-acris.

Cortex Cascarillae. Cascarillrinde.

Croton Cascarilla. An potius *Clusia Eluteria*? *Frutex calidarium Americae meridionalis regionum, in Peru et Paraguay frequens.*

Cortex extus cinereus, subtus ex fusco ferrugineus, fragilis et in fractura nitens; prunis injectus gratum spargens odorem.

Cortex Chinae fuscus s. officinalis; Cortex Peruvianus, olim Cortex Kin-Kinae, Gewöhnliche Chinarinde.

Cinchona officinalis. *Arbor Peruviana, nuper etiam in silvis provinciae, cui nomen Terra Firma est, detecta.*

Cortex ex amaro subaromaticus et subadstringens. Appareant in superficiebus frustulorum corticis fracti particulae ad solem splendentes.

Cor-

Cortex Chinae flavus f. regius. Gelbe China-
rindè, Königs Chinarinde.

Cinchonae species nondum satis definita.

Cortex ex eadem regione allatus, crassior et magis lignosus, qui colore cinnamomeo et principio amero subaromatico omnibus aliis Cinchonae corticibus antecellit.

Cortex Chinae ruber. Rothe Chinarinde.

Cinchonae species nondum satis definita.

Cortex ex fusco ruber, cujus frustula ponderosiora plerumque etiam crassiora occurrunt. Principio resinoso et adstringente prae caeteris Cinchonae corticibus eminet.

Cortex Geoffreae Surinamensis. Surinamische
Geoffreerinde.

Geoffrea inermis Swartzii. Arbor Americae meridionalis, in nemoribus Surinamiae frequens.

Cortex crassus fibrosus, externe, ubi Lichenibus cinereis tegitur, ex fusco nigricans, interne subfuscus, odoris, si recens est, nauseoso ingrati.

Cortex Granatorum f. Malicorium. Granat-
apfelschale.

Punica Granatum. Arbor Europae meridionalis, praesertim in Hispania frequens.

Cortex fructus ex fusco rubens, principio adstringente commendatus.

Cortex Guajaci. *Guajakrinde.*

Guajacum officinale. *Arbor Indiae occidentalis.*

Cortex tenuis, acris, ex lamellis cinereis aut fuseis compositus, superficie externa ex cinereo nigricante.

Cortex Hippocastani. *Roskastanienrinde.*

Aesculus Hippocastanum. *Arbor in Germania frequens.*

Cortex ramorum peramarus, adstringens, subluteus, epidermide superinductus ex rubro fusca.

Cortex Mezerei. *Seidelbastrinde.*

Daphne Mezereum et *Daphne Laureola.* *Frutices in Gallia, Hispania et Germania meridionali, frequentes.*

Cortex tenuis, striatus, peracris, subluteus, epidermide ex viridi fusca superinductus.

Cortex Quassiae. *Quassiarinde.*

Quassia excelsa. *Arbor Americae meridionalis, in Jamaica et Guiana frequens.*

Cortex tenuis, fragilis, peramarus, ex albo cinereus.

Cortex Quercus. *Eichenrinde.*

Quercus Robur. *Arbor Germaniae indigena.*

Cortex Salicis laureae. *Lorbeerweidenrinde.*

Salix pentandra. Arbor in Germania, praesertim meridionali, frequens.

Cortex tenuis, flexilis, extorsum fuscus, principio adstringente, et amaritiae non ingrata, praeditus.

Cortex Simarubae. *Simarubarinde.*

Quassia Simaruba. Arbor Americana, in Guiana frequentissima.

Cortex radices fibrosus, ex albo lutescens, peramarus.

Cortex Ulmi interior. *Ulmenrinde, Rüsterrinde.*

Ulmus campestris. Arbor Germaniae.

Cortex internus subfuscus, subacris, ex lamellis tenuibus compositus.

Crocus. *Saffran.*

Crocus sativus, var. *autumnalis*, s. *Crocus autumnalis* Hoffmanni. Planta perennis, in Europa meridionali et in Oriente sponte nascens, nec non in Anglia, Gallia, Austria et aliis Germaniae meridionalis provinciis, culta.

Stigmata e floribus resecta et siccata, versus apicem latiora, principio luteo-tinctorio ditissima.

Cubebae. *Cubeben.*

Piper Cubeba, s. *Piper caudatum* Bergii. Frutex Indiae orientalis.

Fructus pedunculati, globosi, amaro-aromatici.

Cuprum. *Kupfer.*

Metallum ductile, colore rufum, quod Acido carbonico in oxydum viride mutatur.

Elemi, vulgo **Gummi Elemi.** *Oehlbaumharz.*

Amyris Elemifera. *Arbor Americae meridionalis.*

Resina lutea, subpellucida, digitis agitata tenax odorem Foeniculi quodammodo spirans. Ex trunco arboris vulnerato liquida destillans mox induratur.

Euphorbium. *Euphorbium.*

Euphorbia officinarum, et verisimiliter nonnullae aliae Euphorbiae species. *Frutices Africae meridionalis.*

Gummi-resina flavescens, saporis acerrimi urentis, quae prunis injecta odorem spargit non ingratum. Frustula variae sunt magnitudinis, plerumque angulata, quia in ipsis spinis fruticis induruerunt.

Fel Tauri. *Ochsengalle.*

Bos Taurus domesticus.

Ferrum. *Eisen.*

Metallum ex cinereo nigrescens, magneti obediens, quod, acidis solutum, principio adstringente adhibito, nigricans praecipitatur.